



Kamis, 11 Nopember 2021

Ogen: 1 Timotius 2:1



Sehken Sapaatndu



Ertoto eme sada hal si la banci lang ilakoken kalak si tek. Sabab Jesus jine pe selaku gurunta tetap ertoto. Ertoto mbangun kiniersadan ras Dibata simada kegeluhen, sierkuasa nandangi kai pe sijadi. Alu bage maka kalak siertoto ngasup nggeluh sue ras kai si ilakoken simada kegeluhen enda. Megati ninta 'doa adalah nafas hidup orang percaya'. Adi lanai ertoto situhuna enggo me mate secara kiniteken.

Rasul Paulus ibas kerina sura-surat siisehkenna subuk man perpulungen bagepe pribadi tetap ningetken kerna pertoton. Ibas renungenta paksa enda iajukna kerina perpulungen gelah nehken sapaat guna kerina kalak, la erndobahen isepe tapi ibas konteks enda eme kerina kalak si lit jabatenna gelah jadi kalak bijak ibas kerina perukuren ras keputusan ibas dahin-dahinna. Tugas gereja ndukung ras natang pemerintah rikut ras kalak sierkuasa gelah ngasup ndalanken tugasna alu mehuli, la bagi ate-atenana saja. Ibas sapaat enda lit sada ilustrasi eme doa lima jari, nina: Jari sipemena eme ibu jari sindeherna ras kita, emaka ertotolah nandangi kalak sindeher ras kita keluarga rasteman-temanta. Sipeduaken eme jari telunjuk, tuduh-tuduh, ertoto kerna kalak si mbimbing, mabai, ngajari kita. Sipekeluken jari tengah, eme simeganjangna, ertotolah guna kalak simeganjang emepemimpin-pemimpinta. Sipeempatkan eme jari manis, eme silemahna emaka siinget ras sitotokenlah kalaksilemah, si mbue perbebenna. Si pelimaken jari kelingking, guna dirinta, kenca kita notoken sidebanna maka ula lupa notoken dirinta jine alu mehuli.

Bageme sapaatta, ertoto nandangi kerina kalak eme tugas ras tanggungjawab kalak sitek. Mari sibuat baginta ibas ertoto. Ninta 'nande eme tiang doa' emaka tetaplah ertoto.